


TSAMAIISO EA MOLIMO



Lentsoe le re buang kalona mona la “Tsamaiso” (Robot) le tsoa puong ea batho ba Bohemia, Czechoslovakia e leng “robotanik” ’me lentsoe lena ha le fetoleloa puong ea rona le bolela tsamaiso ea motho.

Molimo bohlaeng ba oona le leratong la oona ho motho o ile oa fumana ho hlokahala hore o behe matšoao a itseng a “Ema” lefatšeng lena. E ka sitana le serapeng sa Edene moo Adama le Eva ba neng ba e-na le bolokolohi bohle ba ho ja ka bolokolohi sefate sefe le sefe se serapeng, ba thabela selekane sa bona le ‘Mopi oa bona, Molimo o ile oa tlameha ho beha letšoao la TSAMAIISO pel’a bona. Sefate sa tsebo ea botle le bobbe e ne e le letšoao la “Ema” le ba bolellang hore ba se ke ba e-ja litholoana tsa sona e le hore ba tle ba se ke ba e-shoa.

Hamorao, ha batho ba se ba atile, Molimo o ile oa fumana ho hlokahala ho eketsa matšoao a “Ema” ka ho etsa melao e mengata, e leng e neng e neha ba

leetong lefatšeng ketello-pele linthong tse itseng ho tseba hore motho a ka tsamaea ho le hokae le hore a ka ema ha a fihla ho kae. Melao ena e ne e sa neoa batho feela empa le tlhohelong linthong tse ling lefatšeng le leholimong. Molimo o ne o beile matšoao a “Ema” leoatleng le bohale, oa etsa metsi moeli, oa a thibela ho aparela lefatše lohle hape. Ho na le matšoao a “Ema” sebakeng sa bana ka mokhoa o tšoanang le ho batho ba holileng matšoao a “Ema” sebakeng sa ho ja le ho noa ka mokhoa o tšoanang le ho robaleng sebakeng sa ho bapala esita le ho sebetseng. Ho fihlela mona, e se ho feta re bolelloa ke lintho tse itseng tsa tlhohelo esita le ho tsa bophelo ka kakaretso. Ho na le Matšoao a “Ema” bophelong ba motho ea phelang a inotsi esita le ho motho ea nyetseng, khoebong, lipapaling, mesebetsing eo ho etsoang lintho ho eona, lipetlele, likolong, bophelong ba ntoa esita le mahlaleng. Ha ho nyolohuoa lithaba, kapa maoatleng, moeeng esita le bophelong ba merafo tlaase ho lefatše mesebetsing ea ho cheka gauda, re teana le matšoao a mangata a “Ema”. Ho

se tsotelle matsoao ana a "Ema" ho katlisa bomali-mabe ho tšabehang le ho etsa kotsi e mpehali.

Mehlang ea kajeno bohle re tloaetse matšoao a litsela a "Ema". Ke ntho e makatsang ruri ho elelloa kamoo baqhobi ba makolo ba leng seli kateng ka matšoao ana a "Ema" a nang le thuso ha e se ba ka bang palonyana e tlase ba sa a tsotelleng. Ho se a tsotelle e ka ba bomali-mabe, ntle ho kotlo e boima eo motho a ka e etsetsoang. Haeba terene ea baeti, sekepe kapa sefofane se ke ke sa tsotella matšoao a "Ema", makholo a batho a ka timela.

Liqhomane tsa sejoale-joale tsa 'Atom', esitana leliqhomane tse ling hape tse kotsi, ka nako ea joale li tsamaisoa ke matšoao a itseng a "Ema". Haeba tse ling tsa tsona, ka phoso e itseng ea botho kapa ka bohlasoa a ka tloisoa mahlo holimo sehlopha se tšabehang sa batho se ka timela.

Letšoao le lehlo ho feta ohle le le matla la "Ema" la pholoho, poelano le poloko ea motho ke le ileng la beoa mane Golgotha ka nako e seng e ka batla ho ba lilemo tse likete tse peli tse fetileng ha mali a bohlokoa a Jesu Krete Mora oa Molimo, a ne a tšoloha sebakeng sa rona sefapanong se sehloho.

Ke "Tsamaiso" e matla e nang le thuso e kileng ea e-ba teng lefatšeng ho emisa batho ho ea timelong e sa feleng. Bohle re sitiloe re furalla litsela tsa Molimo 'me ra leba timelong. Ho tloha ha Adama le Eva ba ile ba thetsoa ke Satane, eaba ha ba tsotelle letšoao la "Ema" la pele, serapeng sa Edene, batho ba nkile tsela e sephara ho leba timelong. Ka sebele Molimo o lekile ho laela hore ba eme ho phalleng hoo ha bona ho matla ho ba isang tahlehong, ka hore e be o ile oa beha matsoao a mangata a "Ema" ka batho ba oona ba seng bakae ba tšepahalang, empa hase ntho e ileng ea nka nako e telele ho fihlela ha matšoao a "Ema" a sa tsotelloe a hatakela ka maoto.

Ha ka nako e 'ngoe "molai" a ile a feta naheng ea Egepet, a bolaea matsibolo lelapeng le leng le le leng ka mokhoa o tšoanang le likhomong, Molimo oa laela batho ba oona ba khethileong, e leng Iseraele hore ba behe letšoao la "Ema". Motho eo e neng e le hlooho ea lelapa le leng le le leng a lokela ho bolaea konyana e se nang letheba e be o fafatsa mali a eona likoseneng tsa monyako oa lelapa. Hona e ne e le letšao la "Ema" ho 'molai eo, ho mo thibela ho tliša lefu ho tsibolo la lelapa leo. Ho ne ho se ntlo leha e le 'ngoe bosiuang ba kahlolo e neng e se na ea shoeleng, ha e se feela moo letšoao la "Ema" la mali a konyana le neng le thibela 'molai hore a se ke a kena. Konyana e ne e nehelane ka bophelo ba eona sebakeng sa letsibolo, ka mokhoa o tšoanang ka Jesu, Konyana ea Molimo, e ile ea nehelana ka

bophelo ba eona sebakeng sa hao le sebakeng sa ka ka ho tšolla mali a eona.

Hamorao ha makhotla a Iseraele a potile marako a matla a Jeriko, Rahaba oa sehloa o ne a ile a laela ho etsa letšoao la "Ema" ka ho fasa khoele e khubelu fenstereng ea hae e neng e ahiloe marakong a motse. O ile a lumela, 'me ho lumela hoo a ho balloa hore ke ho loka. O ile a sebetsa ho latela tumelo ea hae ho Molimo oa Iseraele eaba o tlama mohala oo o mokhubelu fenstereng. Ha marako a Jeriko a thothomela, a tsokotseha a oela, ho sebetsa ha matla ha "Ema" lelapeng la Rahaba eaba eona le ba lelapa la hae ba pholoha.

Letšoao la "Ema" le matla 'me le lehlo ke leo sefapano sa Golgotha le ntseng le laea ka lona ka matla a tsoang leholimong a reng:

EMISA ho 'na u thathafatsa pelo ka ho se lumele. Inehlele ho Molimo.

EMISA ho 'na u e-noa u rohakana, u nyelisa lebitso la Molimo, u bolela mashano le mesoaso e litšila.

EMISA ho 'na u nyelisa le ho ikhohomosa e leng tse etellang ho oa pele.

EMISA ho 'na u phela ka ho hloka boitšoaro, ka bohloa, bohloa le ba tholeho ea hao kapa ho etsa sebe ka 'mele ea hao, e leng e hlophetsoeng ho ba tempele ea Molimo o phelang.

EMISA takatso ea sebe ea ho tsuba lisakerete kapa matekoane, ho tsuba koae ea linko kapa ho porompa, ho sebelisa, meriana e meng e kotsi le lipilisi tse ka bang kotsi joalo 'meleng, oo e leng tempele ea Molimo.

EMISA mekhoha eohle ea meharo, ho phelela ho ja sebakeng sa ho jella, ho phela.

EMISA ho se tsotelle hohle ka Molimo le ka 'muso oa oona, ho ba botsoa borapeling le ho busetsa litaba tsa poloko morao mohla nako e u hlalelang ka tsatsi le leng, e leng le tsatsi leo mohlomong le ke keng la hlola le e-tla. Ho busetsa morao ho se ho kae pontšo ea "Ema" ho ka 'na ha u tlisetsa tahleho, hobane lentsoe la Molimo le re, KAJENO ha le utloa lentsoe la oona le se ke la thathafatsa lipelo tsa lona.

EMISA ho 'na u e-ea ho linohe, ho tšepa lingaka tsa boloi, ho kopana le balimo sebakeng sa ho bitsa ho Molimo o phelang ho khumamela litšoantšo e leng mesebetsi ea matsoho a lona hobane ho rapela melimo ea lintšoantšo le boloi ke mesebetsi ea matsoho e rohakiloeng ke Molimo.

EMISA ho 'na u belaela u khanana, ho bechela lintho le ho lumaluma empa u lebohe Molimo.

EMISA ho 'na u seba le ho boela sebeng ha u so sokolohile kapa ho 'na u bua ka batho ba bang joaleka ha eba le bona mohlomong ba bua ka uena.

EMISA ho 'na u totisa bobo, mona, e leng lintho tse nang le kotsi 'me li ka isa polaong le lefung.

EMISA bohale bohle le khalefo. Li falatse pelong ea hao esita le moea oa boikhabo 'me u kope Molimo hore o u fe pelo ea khotso le moea oa lerato.

EMISA lerato la chelete e leng mothapo oa bobo bohle, busa pelo ea hao. Hobane bohle ba nang le lerato la chelete ba etsa liphoso lipelong tsa bona 'me ba itlisetsa masoabi e le bona. Hopola Judas le ho oa ha hae.

EMISA Boitšepi, moea oa boiphahamiso o sa tsebeng ho khotsofala.

EMISA boikaketsi bohle e leng boo Jesu a bo nyatsang ho feta libe tsohle, e leng ho ikhakanyetsa seo hantle u leng sona.

EMISA ho 'na u bua mashano hobane Satane ka sebele ke ntat'a ba leshano.

EMA sefapanong, tsamaisong ea Molimo e be u baka u ipolele libe tsa hao ho Molimo esita le ho batho bao e bang u ba foselitse. Ha re ipolela libe tsa rona, oa tšepaha 'me o lokile ho re tšoarela libe tsa rona. Mali a Jesu Kreste, Mora oa Molimo, a hlatsoa LIBE TSOHLE.

EMA maotong a sefapano u bone poloko ea Morena eo a u tliselitseng eona. O ipelesitse libe tsa hao le makhopo a hao a jara maloetse a hao. O ile a tetekoa ka baka la makhopo a hao. Ka sebele o jere mahlomola a hao 'me a jara le mahloko a hao 'me ka matetsetso a Hae ua folisoa. Eena ea sa kang a tseba sebe o ile a e tsoa sebe sebakeng sa hao, e le hore mali a Hae a tle a u hloekise SEBENG SOHLE e le hore u tle u etsoe ea lokileng ho Molimo ka Eena.

EMISA ho atamela ka nama le mali ha joale Molimo o so o buile le uena 'me oa etsa hore thato ea oona e tsebisahale ho uena.

EMISA ho 'na u leka ho sebeletsa marena a mabeli. Ho ke ke ha etsahala. U ka sitoa ho sebeletsa Molimo le 'Mamona.

EMA 'me u talime ho Eena. Konyana ea Molimo e tlosang libe tsa lefatše, e leng libe tsa ka le libe tsa hao.

EMISA ho se lumele hohle, ho se tšepe Molimo. E be u ba le tumelo ho Molimo.

EMISA ho talima bo uena kapa ho talima morao.

Hopola mohats'a Lota.

EMISA ho 'na u nahana bokhopo 'me u nahane ka lintho tsa 'nete, u tšepahale u hloeke.

EMISA ho 'na u thahasella ho talima lintho tse u potileng. Talima ho Jesu.

EMISA ho tšaba hona le hoane, sebakeng sa ho tšepa ho Molimo. Jesu o itse "U se ke ua tšaba lumela feela."

EMA 'Me u ipone u thakhsitsoe le Kreste 'me u shoele sebeng le lefatšeng.

EMA e be u ipona u tsohile le Kreste u le ea nang le kabelo ho tsoheng ha bophelo ba Hae le bothong ba Hae ba khalalelo.

EMA u talime lerato la Molimo ea nehelaneng ka Mora oa oona ea inotsi hore e mong le e mong ea lumelang ho Eena, a se ke a timela, a mpe a be le bophelo bo sa feleng.

EMA tsii, e be u talima poloko ea Morena.

EMA u thibele diabolose ka lebitso la Jesu 'me o tla u balehela.

Letšoao lena la "Ema" la leholimo la sefapano ha le re thuse feela hore re eme tsii, e be re bona poloko e kholo ea Molimo le neo ea bophelo bo sa feleng ho Kreste Jesu. Hape le etsa ho "Ema" ha khalalelo le ho loka ha Molimo ha o bona maikutlo a moetsalibe ea bakang. Re baetsalibe ba molato 'me re lokeloa ke kahlolo ea Molimo, le tsuo 'me re eo qeta bophelo bohle lihelong. Empa ha Molimo o bona moetsalibe a bakang ea itsoang e le eena maotong a sefapano oa ema e be oa itšenola e le Konyana ea Molimo e tlosang libe tsa lefatše, e le ea tšoarelang libe tsohle le ea folisang maloetse ohle. Sebakeng sa ho rohakoa ke molao re fumana mohau le lerato le khotso. Ka sefapano Molimo oa re bona re lopolotsoe re hloekisitsoe ka Mali a Mora oa oona Jesu Kreste. Sefapano se re "Ema" khalefong ea Molimo eo mohlomong e ka beng e re oetse holimo. Sefapanong Jesu o EMISITSE khalefo ea Molimo hore e ka re tlela. Oa rapela o re, "Ntate ba tšoarele hobane ha ba tsebe seo ba se etsang."

Kantle ho mona sefapano ke pontšo e matla ea letšoao la "Ema" ho loantša Satane le matla ohle a bademona a lekang ho re felisa 'me a lekang ho re hulela lihelong. Hobane sefapano se paka pholoho ea rona. Hape se laela moqosi diabolosi ho "Ema" ho 'na a re qosa hobane Jesu o phethile tefello eohle sebakeng sa libe tsa rona sefapanong 'me o re pholositse ka mali a Hae 'me ha a sa hopola libe tsa rona tseo re ileng ra inyatsetsa tsona.

"FETA"

Empa sefapano ha se letšoao la "Ema" feela. Se re laela ho "Feta". Se re fa lebone le letala la tsela e

bulehileng e bulehetseng teroneng ea mohau ka Mali a Jesu Kreste. Ka Jesu Kreste le ka Moea o Halalelang joale re na le kabelo ho Ntate, ntat'a rona eo re entsoeng bara le barali ba Hae ka tumelo ho Jesu Kreste. Lesela la tempele le hahoile ho tloha holimo ho ea fihla tlaase 'me e mong le e mong ea ratang a ka tla, e be o noa metsi a bophelo feela, Jesu, o itse, "Ke 'na tsela, ke 'na monyako."

FETA ka lebaka leo oho hle, moetsalibe kena ka tsela e tšesanyane empa e bulehetseng leholimong.

FETA ka tsela e bulehileng ka mali a tšolohileng a Jesu a rothela lefatše lena le khopo ho fihlela a etsa hore u kene ka monyako oa liperela Jerusalem e mocha moo Jesu a

lokisitseng meaho e metle sebakeng sa hao, a loketseng teng ho u hlakola meokho mahlong a hao.

FETA u eo bolella batho ba heno ka tsena tse makatsang, tsa poloko e fanoang feela. Bolella bao u ahileng ho bona metsoalle ea hao le bang ka uena hore Jesu oa pholosa.

E-EA ka lefatše lohle u eo bolela evangeli ho babopuo ba bohle.

E-EA phallela hang literateng le litseleng, u tlise mafutsana, lihlotsoa le lifofu.

E-EA litseleng tse phahameng le meterong u ba qophelle hore ba tle, e le hore ntlo ea ka e tle e tlale.

E-EA 'me U SE KE UA BOELA UA ETSA SEBE.
J.R. Gschwend.

TORO EA JOHN WESLEY

John Wesley, monna e moholo oa Molimo o ile a ruta a hlile a nyatsa sebe ka thuto ea hae, 'me ka bosiu bo bong a ba le toro. Torong ena ea hae, a iphumana a se a le monyakong oa leholimo, moo a ileng a botsa hore na e be ho na le Ba-Wesley leholimong. Motho ea neng a le monyakong oo a mo arabela hore ho hang ha ho Ba-Wesley moo. Hona ho ile ha tšosa John Wesley eaba ntho e mo tšoenyang haholo. O 'nile a ruta ka matla a maholo a supisa batho hore e ka khona ba tsoe sebeng 'me thuto ena eohle ea hae e le e teng lentsoeng la Molimo, joale a ipotsa hore na e be phoso e ho kae. A qala ho nahana ka kereke e 'ngoe 'me a botsa hore na e be litho kapa batho ba kereke eo ba teng moo, a botsa molebeli oa monyako. Hape molebeli oa monyako a mo bolella hore che ha ba eo. Joale eaba John Wesley o botsa ka mabitso a likereke tsohle tseo a li tsebang, a botsa ka tsona ka bonngoe, empa nako le nako ha a botsa ka lebitso la kereke karabelo e ne e le hore "Che" ha ho batho ba joalo koano.

John Wesley a boela a ferekana haholo joale ka nako ena. Joale ha toro ena ea hae e ntse e tsoela pele a iphumana a se a le monyakong oa lihele. Mona a boela a pheta lipotso tsane tsa hae, "Na e be ho na le Ba-Wesley moo?" joale eaba molebeli oa

monyako oo oa lihele o arabela a re, "E, ho na le Ba-Wesley ba bangata mona." John Wesley a botsa ka mabitso a mangata a likereke ao a neng a ka a hopola 'me karabelo ea 'na ea -eba ea hore "E, ho teng mona litho tsa likereke tseo kaofela mona."

Joale, John Wesley a hla ferekana haholo. O ne a sitoa ho utloisisa hore na e be khathatso e ho kae Empa toro ea tsoela pele a boela a khutlela. monyakong oa leholimo hape. Joale eaba o botsa potso ena monyakong oo oa leholimo. "U itse mona ha ho na Ba-Wesley, le hore ha ho batho ba likereke tse ling hape. Joale batho ba mona leholimong ke bafe na?" Joale eaba karabo e re, "Mona ke ba hlatsoitsoeng maling a bohlokoa a Morena Jesu Kreste."

Ka tsela eo, motsoalle oa ka ea ratehang, ua elelloa hore tsela ea ho ea leholimong ke ea pako le ea boinyatso libeng tsa rona ho Morena Jesu Kreste le ho hloekisoa le ho hlatsuo maling a bohlokoa a Hae. O re fa matla hore re be bana ba Molimo e be joale re ba ba amoheloang ho Molimo, joale ha re tsoela pele ho phela bophelo bona bo hloekileng ba khalalelo, ka letsatsi le leng re tla bona Molimo ka lifahleho tsa rona.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For free Gospel literature, books and tracts in over 540 languages, write to:

EMAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)